

**Ang Apostolikong Ministeryo sa Pakikipagtulungan sa Makalangit na Ministeryo ni Kristo  
upang Pastulin ang Ekklesia ng Diyos bilang Kanyang Kawan  
para sa Pagtatayo ng Katawan ni Kristo at isang Bagong Pagpapanauli**

Babasahin sa Kasulatan: Juan 10:11, 16; 21:15-17;  
1 Ped. 2:25; 5:4; Heb. 13:20; Apoc. 1:13; 2:1, 7

**I. Ang Mga Awit 22 hanggang 24 ay isang grupo ng mga awit na naghahayag kay Kristo mula sa Kanyang pagkapako sa krus hanggang sa Kanyang pagpapastol hanggang sa Kanyang pagkahari sa darating na kapanahunan:**

- A. Ang Awit 23, na patungkol kay Kristo bilang Pastol sa Kanyang pagkabuhay na muli at pag-akyat sa langit, ay ang tulay sa pagitan ng tumutubos na kamatayan ni Kristo at ng Kanyang nagbubunga-ng-eklesia na pagkabuhay na muli sa Awit 22, at ng pagbabalik ni Kristo bilang Hari, na siyang magtatamong muli ng buong lupa sa pamamagitan ng eklesia bilang Kanyang Katawan sa Awit 24.
- B. Sa Kanyang makalangit na ministeryo, nagpapastol si Kristo sa mga tao, at kailangan nating makipagtulungan sa Kanya sa pamamagitan ng pagpapastol sa mga tao; kung tatanggapin natin ang salamuhang ito, magkakaroon ng malaking pagpapanauli sa lupa upang pabalikin ang Panginoon.

**II. Inihahayag ng Juan 21 ang apostolikong ministeryo sa pakikipagtulungan sa makalangit na ministeryo ni Kristo; ito ang kakumpletuhan at kasukdulan ng Ebanghelyo ni Juan:**

- A. Ang Ebanghelyo ni Juan ay may dalawampu't isang kapitulo, subalit sa katunayan ay nagtatapos ito sa kapitulo 20.
- B. Ang buong aklat ay sumasaklaw sa panlupang ministeryo ni Kristo, nagsisimula sa Kanyang pagkakatawang-tao bilang Salita ng Diyos upang maging isang tao sa laman (1:14) at nagtatapos sa Kanyang pagkabuhay na muli bilang huling Adam upang maging Espiritung nagbibigay-buhay (20:22); kaya, ang kapitulo 21 ay dapat na isang apendiks.
- C. Bagama't tamang sabihin ito, mas intrinsikong sabihin na ang Juan 21 ay ang kakumpletuhan at kasukdulan ng Ebanghelyo ni Juan; pinasusukdol nito ang buong Ebanghelyo ni Juan sa pamamagitan ng pagpapakita na ang makalangit na ministeryo ni Kristo at ang ministeryo ng mga apostol sa lupa ay magkasamang nagtutulungan upang isagawa ang ekonomiya ng Diyos.

**III. Sa Juan 10:10-11 at 16, inihayag ng Panginoon sa mga disipulo na Siya ay ang mabuting Pastol na pumarito upang ang mga tupa ay magkaroon ng buhay nang sagana at na mayroon pa Siyang ibang tupa (ang mga Hentil) na kailangan Niyang akayin upang isama sa kanila (ang mga mananampalatayang Hudyo) upang maging isang kawan (isang eklesia) sa ilalim ng isang Pastol:**

- A. Ang pagpapastol ng Panginoon ay una sa Kanyang panlupang ministeryo—Mat. 9:36; cf. 10:1-6.
- B. Ang pagpapastol ng Panginoon ay ikalawa sa Kanyang makalangit na ministeryo (1 Ped. 5:4) upang pangalagaan ang eklesia ng Diyos, na nagreresulta sa Kanyang Katawan.

**IV. Inatasan ng Panginoon si Pedro na pakainin ang Kanyang mga kordero at pastulin ang Kanyang mga tupa:**

- A. Nang nanatili ang Panginoon kasama ng Kanyang mga disipulo pagkatapos ng Kanyang pagkabuhay na muli at bago ang Kanyang pag-akyat sa langit, sa isa sa Kanyang mga pagpapakita, inatasan Niya si Pedro na pakainin ang Kanyang mga kordero at pastulin ang Kanyang mga tupa sa Kanyang pagkawala, habang Siya ay nasa kalangitan—Juan 21:15-17.
- B. Ito ang ilalim ng apostolikong ministeryo sa makalangit na ministeryo ni Kristo upang pangalagaan ang kawan ng Diyos, na siyang eklesia na nagreresulta sa Katawan ni Kristo.

- C. Kalaunan, sa aklat ng Mga Gawa, sinabi ni Pedro, “Magpapatuloy kaming matibay sa pananalangin at sa ministryo ng salita” (6:4); ito ang makipagtulungan sa makalangit na ministryo ni Kristo ng pamamagitan (Heb. 7:25) at ng paghahain ng Diyos tungo sa Kanyang bayan (8:2).
- D. Lubusang nakintalan si Pedro ng pag-aatas na ito ng Panginoon na sa kanyang unang aklat ay sinasabi niya sa mga mananampalataya na sila ay gaya ng mga tupang naliligaw, ngunit ngayon ay nagbalik na sila sa Pastol at Tagapangasiwa ng kanilang mga kaluluwa—1 Ped. 2:25:
  - 1. Si Kristo ay naninirahan sa loob natin upang maging ating buhay at lahat-lahat, subalit Siya rin ay nangangasiwa, nagmamasid, sa kalagayan at sitwasyon ng ating panloob na katauhan.
  - 2. Pinapastol Niya tayo sa pamamagitan ng pangangalaga sa kapakanan ng ating panloob na katauhan at sa pamamagitan ng pagganap ng Kanyang pangangasiwa sa kalagayan ng ating kaluluwa, ang ating tunay na persona—cf. Heb. 13:17.
- E. Hinihikayat ni Pedro ang mga matanda na pastulin ang kawan ng Diyos sa gitna nila, nang sa gayon kapag ang Punong Pastol ay nahayag, sila, ang mga tapat na matanda, ay tatanggap ng dikumukupas na putong ng kaluwalhatian—1 Ped. 5:1-4.
- F. Ipinahihwatig ng salita ni Pedro na ang makalangit na ministryo ni Kristo ay pangunahing upang pastulin ang ekklesia ng Diyos bilang Kanyang kawan, na nagbubunga sa Kanyang Katawan.

**V. Ang mga sumusunod na salita ni apostol Pablo ay nagpapakita rin ng paglalakip ng apostolikong ministryo sa makalangit na ministryo ni Kristo upang pangalagaan ang kawan ng Diyos:**

- A. Sa Mga Gawa 20:28, sinabi ni Pablo sa mga matanda sa Efeso, “Ingatan ninyo ang inyong sarili at ang buong kawan, na sa gitna nila ang Espiritu Santo ang naglagay sa inyo bilang mga tagapangasiwa upang pastulin ang ekklesia ng Diyos, na Kanyang nakamit [o binili] sa pamamagitan ng Kanyang sariling dugo.”
- B. Sinabi ni Pablo, “Alam ko na paglisan ko ay papasok sa gitna ninyo ang mababangis na lobo, na walang patawad sa kawan” (b. 29); hindi inaalala ng apostol ang kanyang sariling buhay (b. 24), kundi lubha siyang nagmamalasakit para sa kinabukasan ng ekklesia, na isang kayamanan sa kanya at sa Diyos.
- C. Sinasabi ni Pablo sa Hebreo 13:20, “Ang Diyos...na nag-ahon mula sa mga patay sa ating Panginoong Hesus, ang dakilang Pastol ng mga tupa, sa dugo ng walang hanggang tipan”:
  - 1. Ang walang hanggang tipan ay ang tipan ng bagong testamento upang magtamo ng kawan, na siyang ekklesia na nagreresulta sa Katawan at napasusukdol sa Bagong Herusalem; ang walang hanggang tipan ng Diyos ay ang pasukdulin ang Bagong Herusalem sa pamamagitan ng pagpapastol.
  - 2. Ibinangon ng Diyos ang ating Panginoon mula sa mga patay upang maging dakilang Pastol na magpapasukdol sa Bagong Herusalem ayon sa walang hanggang tipan ng Diyos.

**VI. Ang pangunahing layunin at gol ng apostolikong ministryo na inilakip sa makalangit na ministryo ni Kristo ay ang itayo ang Katawan ni Kristo, na mapasusukdol sa Bagong Herusalem para sa pagsasakatuparan ng walang hanggang ekonomiya ng Diyos—cf. Efe. 3:2, 8-9; 1 Ped. 5:10.**

**VII. Ang bagay ng pagpapastol sa kawan ng Diyos para sa pangunahing layunin at ganap na kasukdulan ng walang hanggang ekonomiya ng Diyos ay tinutukoy maging sa Awit ng mga Awit:**

- A. “Sabihin mo sa akin, ikaw na minamahal ng aking kaluluwa, Saan ka nagpapastol ng iyong kawan, [para sa kasiyahan]? / Saan mo pinahihiga sa katanghalian [para sa kapahingahan]?”—1:7a.

- B. “Sumunod ka sa mga yapak ng kawan, / At pastulin mo ang mga anak ng kambing / Sa tabi ng mga tolda ng mga pastol”—b. 8b.
- C. “Ang sinta ko ay akin, at ako ay sa kanya; / Pinapastol niya ang kanyang kawan sa gitna ng mga liryo [ang mga naghahanap kay Kristo na namumuhay ng isang buhay ng pagtitiwala sa Diyos na may tapat na puso]”—2:16.
- D. “Ako’y sa aking mahal, at ang mahal ko ay akin; / Pinapastol niya ang kanyang kawan sa gitna ng mga liryo”—6:3.

**VIII. Ang pastulin ang mga mananampalataya ay napakahalaga para sa kanilang paglago sa buhay; kailangan nating tahakin ang daan ng pagpapastol upang ipangaral ang ebanghelyo at panauliin ang ekklesia:**

- A. Dapat tayong manalangin, “Panginoon, nais kong mapanauli; mula sa araw na ito ay nais kong maging isang pastol; nais kong humayo upang pakainin ang mga tao, pastulin ang mga tao, at ikawan-kawan ang mga tao.”
- B. Ang Panginoon ay gumamit ng tatlong salita sa Juan 10 at 21 hinggil sa pagpapastol: *pakainin, pastulin, at kawan* (10:16; 21:15-16); maaari din nating gamitin ang salitang *kawan* bilang isang pandiwa.
- C. Kailangang matutuhan ng lahat ng ekklesia kung paano magkawan-kawan nang sa gayon ay maihalo ang mga ito nang sama-sama; dapat manguna ang mga matanda at mga kamanggagawa na isagawa ito.

**IX. Ang organikong pagpapanatili ng gintong patungan ng ilawan ay ang makalangit na ministeryo ni Kristo upang kandiliin ang mga ekklesia sa Kanyang pagkatao at pakainin ang mga ekklesia sa Kanyang pagkadibino upang magbunga ng mga mandaraig sa pamamagitan ng Kanyang organikong pagpapastol—Apoc. 1:13; 2:7; Juan 10:11, 14; 1 Ped. 2:25; 5:4; Heb. 13:20:**

- A. Ang Anak ng Tao ay nasa Kanyang pagkatao, ang gintong pamigkis ay sumasagisag sa Kanyang pagkadibino, at ang mga dibdib ay isang sagisag ng pag-ibig:
  - 1. Si Kristo ay nabigkisan sa mga balakang, pinalakas para sa dibinong gawain (Exo. 28:4; Dan. 10:5) upang ibunga ang mga ekklesia, subalit ngayon Siya ay nabibigkisan sa dibdib, inaalagaan ang mga ekklesia na Kanyang ibinunga sa pamamagitan ng Kanyang pag-ibig (Apoc. 1:13).
  - 2. Ang gintong pamigkis ay sumasagisag sa pagkadibino ni Kristo bilang Kanyang dibinong enerhiya, at ang mga dibdib ay sumasagisag na ang gintong enerhiyang ito ay isinasagawa at ginaganyakan ng at kalakip ang Kanyang pag-ibig upang pakainin ang mga ekklesia.
- B. Inaalagaan ni Kristo ang mga ekklesia sa Kanyang pagkatao bilang Anak ng Tao upang kandiliin sila—b. 13a:
  - 1. Inihahanda Niya ang mga ilawan ng mga patungan ng ilawan upang gawing wasto ang mga ito, kinakandili tayo upang tayo ay maging masaya, kaaya-aya, at komportable—Exo. 30:7; cf. Awit 42:5, 11:
    - a. Ang presensiya ng Panginoon ay nagbibigay ng magiliw at mainit na atmospera upang kandiliin ang ating katauhan, binibigyan tayo ng kapahingahan, kaginhawahan, kagalingan, paglilinis, at pagpapalakas-loob.
    - b. Matatamasa natin ang nagkakandiling atmospera ng presensiya ng Panginoon sa ekklesia upang matanggap ang nagpapakaing panustos ng buhay—Efe. 5:29; cf. 1 Tim. 4:6; Efe. 4:11.
  - 2. Ginugupitan Niya ang mga mitsa ng mga ilawan ng patungan ng ilawan, pinuputol ang lahat ng negatibong bagay, na humahadlang sa ating pagliliwanag—Exo. 25:38:

- a. Ang sunog na bahagi ng mitsa, ang nasunog na dulo, ay sumasagisag sa mga bagay na hindi ayon sa layunin ng Diyos, na kailangang maputol, gaya ng ating laman, ating natural na tao, ating sarili, at ating lumang paglikha.
  - b. Ginugupit Niya ang lahat ng pagkakaiba sa gitna ng mga ekklesia (ang mga pagkakamali, mga kakulangan, mga kabiguan, at mga kapintasan) nang sa gayon ay maging magkakatulad ang mga ito sa esensiya, anyo, at kahayagan—cf. 1 Cor. 1:10; 2 Cor. 12:18; Fil. 2:2.
- C. Inaalagaan ni Kristo ang mga ekklesia sa Kanyang pagkadibino sa pamamagitan ng Kanyang dibinong pag-ibig, isinasagisag ng gintong pamigkis sa Kanyang dibdib, upang pakainin ang mga ekklesia—Apoc. 1:13b:
1. Pinakakain Niya tayo ng Kanyang sarili bilang nagpapaloob ng lahat na Kristo sa Kanyang ganap na ministeryo na may tatlong yugto, nang sa gayon tayo ay lumago at gumulang sa dibinong buhay upang maging Kanyang mga mandaraig upang isakatuparan ang Kanyang walang hanggang ekonomiya.
  2. Bilang lumalakad na Kristo, nalalaman Niya ang kalagayan ng bawat ekklesia, at bilang nagsasalitang Espiritu, ginugupitan at pinupuno Niya ang mga patungan ng ilawan ng sariwang langis, ang panustos ng Espiritu—2:1, 7; cf. Exo. 27:20-21; Zec. 4:6, 11-14.
  3. Upang makabahagi sa Kanyang pagkilos at matamasa ang Kanyang pangangalaga, tayo ay kailangang nasa mga ekklesia.
- X. Sa pamamagitan ng kahanga-hangang pagpapastol ni Kristo, matatamasa natin Siya bilang ating mga pagpapala kapwa ngayon at magpasawalang-hanggan—Isa. 49:10; Apoc. 7:9-17; Juan 6:35; 4:13-14; Awit 36:7-9; 91:1; Isa. 12:1-6; Apoc. 22:1.**